



---

Broj protokola: 0403- 758/26  
Sarajevo, 19. 05. 2026.

Na osnovu člana 17. stav 1., u vezi sa članom 90. Zakona o javnim nabavkama („Službeni Glasnik BiH“ br. 39/14, 59/22 i 50/24“) člana 4. stav 3. Pravilnika o postupku direktnog sporazuma („Službeni glasnik BiH“) i člana 36. Statuta, direktor je donio:

### POSEBNU ODLUKU

o pokretanju postupka javne nabavke/usluga/ angažovanje agencije za procjenu rizika radnih mjesta u Zavodu

#### Član 1.

Ovom posebnom odlukom odobrava se pokretanje postupka javne nabavke usluge izrade Akta o procjeni rizika radnih mjesta, pregleda i ispitivanja fizičkih, hemijskih i bioloških štetnosti, kao i ispitivanja mikroklimе u JU Zavod za bolesti ovisnosti Kantona Sarajevo.

Predmet nabavke obuhvata:

- pregled i ispitivanje fizičkih, hemijskih i bioloških štetnosti i mikroklimе u radnoj okolini,
- procjenu rizika radnih mjesta,
- izradu Akta o procjeni rizika radnih mjesta.

Postupak javne nabavke sprovest će se u skladu sa Zakonom o javnim nabavkama, podzakonskim aktima i internim aktima.

#### Član 2.

Procijenjena vrijednost nabavke iznosi do **6.000,00 KM** bez PDV-a

#### Član 3.

Za sprovođenje javne nabavke osigurana su sopstvena sredstva

#### Član 4.

Ova odluka stupa na snagu danom donošenja.

## OBRAZLOŽENJE

S obzirom da se radi o nabavci usluge za koju se nije znalo u vrijeme donošenja Plana javnih nabavki za 2026. godinu, za ovaj postupak se donosi posebna odluka o pokretanju postupka nabavke u skladu sa članom 17. Stav 1 Zakona o javnim nabavkama.

Pri donošenju odluke direktor Zavoda se posebno rukovodio činjenicom krajnje hitnosti jer navedena nabavka je prijeko potrebna da bi se omogućio nesmetan rad Zavoda.

Pokretanje postupka javne nabavke usluge izrade Akta o procjeni rizika radnih mjesta, pregleda i ispitivanja fizičkih, hemijskih i bioloških štetnosti, kao i mikroklimatskih uslova, neophodno je radi izvršenja obaveza Zavoda utvrđenih Rješenjem Kantonalnog inspektorata rada, zaštite na radu, socijalne zaštite sporta broj:UP-1-14-09-30-15295/25 od 17.10.2025. godine, kojim je naloženo da Zavod najkasnije do 17.02.2026. godine izradi Akt o procjeni rizika radnih mjesta i izvrši potrebna ispitivanja uslova radne sredine.

Zavod je prethodno zaključio ugovor sa privrednim društvom Proving d.o.o. Sarajevo za pružanje usluga iz oblasti zaštite na radu, koji je obuhvatao navedene aktivnosti. Međutim, izvršilac nije ispunio ugovorene obaveze, odnosno nije završio aktivnosti koje se odnose na izradu Akta o procjeni rizika radnih mjesta, zbog čega Zavod nije u mogućnosti postupiti po obavezama propisanim iz oblasti zaštite na radu.

Imajući u vidu obaveznost postupanja po Rješenju Kantonalnog inspektorata rada, potrebu zaštite zdravlja i sigurnosti zaposlenika, kao i zakonske rokove za izvršenje naloženih mjera, pokretanje novog postupka javne nabavke ocijenjeno je kao hitno i neophodno.

Cijeneći da je predmet nabavke usluge: Procjena rizika radnih mjesta, u skladu sa članom 17. stav 1, Zakona o Javnim nabavkama na koji ugovorni organ nije mogao da računa u vrijeme donošenja Plana javnih nabavki, utvrđeno je da su ispunjene pretpostavke za donošenje odluke o realizaciji nabavke, koja će činiti sastavni dio Plana javnih nabavki za 2026. godinu.

Na osnovu utvrđenog činjeničnog stanja, donesena je odluka kao u dispozitivu.

Direktor Zavoda  
Prof. dr sci med. Rasema Okić

Dostaviti:

- Služba ekonomsko finansijskih poslova
- a/a
- Web stranica Zavoda